

Tik...

Veizous i kaimalē babaleika

ē matau – kap gīva – mūsa laika:

beskobiedams par gīvenēma smēltelē, nukolniava posē kelē
i naktelē. –

Gluostīdams, pagondindams, maloudams...

Stumdams ē priglaidams, ēr išdoudams...

Ka pavuožuoji – lig nieka ē nebova:

anuo kuojē nikam neužkliova –

vēsus kūlius ronkiuojiem mes patīs,

diel tuo lēkuom

dongaus nepamatē.

Žaidiem, dērbuom, pīkuom ē mīliejuom,

daug kam trogdiem, maža kam padiejuom.

Ale nužīgiavuo lig tomsiuos naktelēs

par smēltelē

da tik posē kelē,

katruo galē vēsē, vēsē karto

sosētēksem

pri vēinuodu vartu.

Tik nuorietiuo,

ka nuors tēn užmēršto laika

Žemaitējēs kaima

babaleika...